

Universitätsbibliothek Paderborn

**Dictamina Seu Scita Variæ Doctrinæ, Politicæ, Moralis,
Stoicæ, Christianæ, & Spiritualis**

Nieremberg, Juan Eusebio

Paderbornæ, 1711

Decas II.

[urn:nbn:de:hbz:466:1-50306](#)

velis, quod ipse cupit, nimirum humilitate clarescere.

10. Adverte, quod Ecclesiastes monet: *Noli esse justus multum.* Inquietus eris, si studeas eā ratione justus esse, ut nunquam erres, nulla tibi incuria excidat. Hujusmodi vota, curæq; immodicæ, ut ut spe ciem boni habeant, pacem auferunt, animique tranquillitatem: atque adeò inde quietem tollis, unde speras obtainere: inde inficeris, unde laboras purificari.

DECAS II.

11. De fructu suo nihil deperdit, quem ab orandi studio avocant negotia, dum hæc vel obsequendi lege, vel pia necessitate, vel promovendæ salutis alienæ causâ suscipiuntur. Non deficit meritum, dum Deo obsequaris.

12. Minùs obsunt contemplandi studio externa opera, quàm internæ passiones: quin ipsa agentis vitæ exercitia, si iis affligatur animus, plurimùm adjuvant studium divinorum. Mens enim per illa mortificata minora sentit impedimenta passionum.

13. Plùs quærito Deum ipsum, quàm blandi-

blanditias illius; neque ab oratione te dividet arida mentis infœunditas. Servendum Deo non gratiâ commodi, sed æstimatione dignitatis, quâ est, quod est. Sæpe gravius erraverunt à recto, quibus cœlum delicias depluit, quam quos siccitas arefecit; & uti ajebat quidam Dei servus, Dæmonia solatiorum subtilius nocent, quam tribulationum.

14. Nullas delicias salubrius petieris, ac Crucem. Igitur pietatem non in eo colloces, quod lachrymis perfundaris, quod solatiis abundes, quod mente in Divina rapiaris. Praestat his omnibus firmus Dei amor, & sincera pro eo patiendi cupiditas. Ad altiora levando verticem, periclitaris: demittendo, securus es.

15. At nè propterea teneriores omnes affectus contempleris, eo obtentu, quod indè non solidetur virtus: imò ubi teneritudo transierit, evanescat. Verum quidem id est; at mens quoque indè ad sanctiora trahitur, & viros novimus Deo charos ex eo capite magnopere profecisse.

16. Cùm cœlum delicias subduxerit, patienter sustine, neque ob id, quod potes agere

agere intermitte. Multum poteris, si sustineas imperturbatam illam mentis orbitatem, neque à statuo actionum tuarum penso, aut consveto virtutis studio deslexeris. Quantum enim hinc subtraxeris, tantum vires animæ diffluent, uti Samsoni robur corporis crinibus rescissis.

17. Orandi genus quærito, non quod sublime est, sed quod utile. Illam meliorem duco unde redis humilior, patientiam instructus, in eventu cautus, in passionibus mortificatus: non hanc, in qua vel mentis intuitu occulta penetras, vel blandientium cogitationum dulcedine perfunderis.

18. Orandi facultas ut maximè pretiosa sit, atque optabilis, præcellit illam herus animus, & in pravas cupiditates fortiter insurgens. Qui utrumq; conjunxerit omne tulit puncum.

19. Oratio, quam mortificatio destituit, aut orationis umbra est, aut mentis illusio. Quantumcunque orationi te dederis, & sacro commentandi studio, nihil tibi proderit, nisi junixeris studium te vincendi.

20. Ut

20. Ut uberioris in te derives amorem cœlestium, exscinde affectum rerum pertinacientium. Felicitatis pars magna est, cordis hospitium clausisse mundo, ut pateat uni Deo. Beata illa societas! quâ abdicato creaturarum usu in amicissimam transis communionem Creatoris.

DECAS III.

21. Quæstuosissimè negotiaris, si quidquid habes, unà abjicis, ut petitam compares bonorum omnium iliadem. Prodigie cuncta, quin & teipsum exue, ut gratiâ vestiaris, id est, insignibus Divinitatis.

22. Qui spiritu pauper, idem & opulentus est: quia in Deo possidet omnes cœli terræque divitias. Quid enim desit illi, qui plûs habet, quàm cæteri omnes? qui suo contentus nè quidem desiderio torquetur habendi aliquid.

23. In te ipsum curas, & oculos converte; neque cupias videre, quod non deceat concupiscere. Renunciasti mundo: faces-
sant ejus reliquiae, & nec memineris te novissem. Sapientis est, cuius amorem depo-
sueris, etiam memoriam obliterare.

24. In bona æterna, licet sensibus adhuc remo-